



Broj: 10/E-11-6575/25
Sarajevo, 16-01-2026 . godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana rješenjem Opštinskog načelnika broj: 10-45-163/25 od 05.03.2025. godine, (u daljem tekstu: Komisija II), u postupku javne nabavke: Izrada projektne/tehničke dokumentacije za rekonstrukciju i nadogradnju javne rasvjete na području Općine Centar (Zapisnik o pregledu i ocjeni ponuda broj: 10/E-11-6575/25 od 30.12.2025. godine), Opštinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda prvorangiranog ponuđača **Manedra Company d.o.o. Mostar**, ulica Bišće polje bb, 88000 Mostar, broj: JV-23-12/25 od 23.12.2025. godine, za izradu projektne/tehničke dokumentacije za rekonstrukciju i nadogradnju javne rasvjete na području Općine Centar, putem konkurentskog zahtjeva za dostavu ponuda, sa cijenom u ukupnom iznosu od 3.429,00 KM bez PDV-a, odnosno 4.011,93 KM sa PDV-om i rokom izvršenja usluge 60 (šezdeset) kalendarskih dana.
- II.** Ugovorni organ će sa izabranim ponuđačem zaključiti ugovor, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- III.** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- IV.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

Obrazloženje

Postupak javne nabavke: Izrada projektne/tehničke dokumentacije za rekonstrukciju i nadogradnju javne rasvjete na području Općine Centar, pokrenut je Odlukom Opštinskog načelnika o pokretanju postupka javne nabavke putem konkurentskog zahtjeva za dostavu ponuda, broj: 10/E-11-6575/25 od 01.12.2025. godine.

Predmetna nabavka nije podijeljena na LOT-ove.

Procijenjena vrijednost nabavke bez uračunatog PDV-a ukupno iznosi 17.000,00 KM.

Obavještenje o nabavci 848-7-2-158-3-248/25 objavljeno je na Portal javnih nabavki dana 10.12.2025. godine na Portal javnih nabavki (www.ejn.gov.ba).

U krajnjem roku za predaju ponuda koji određen tenderskom dokumentacijom (23.12.2025. godine do 11:00 sati), na adresu Ugovornog organa primljene su 4 (četiri) ponude ponuđača 1. E-STROM projektni biro d.o.o. Sarajevo; 2. DEMA&S d.o.o. Mostar, Poslovnica Sarajevo; 3. Grupa ponuđača: nLogic d.o.o. Sarajevo i ELEKTRO TIM d.o.o. Banja Luka i 4. Manedra Company d.o.o. Mostar, što je evidentirano u Zapisniku o otvaranju ponuda, broj: 10/E-11-6575/25 od 23.12.2025. godine. Nije bilo neblagovremeno pristiglih ponuda.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristiglih ponuda i nakon što je utvrđena blagovremenost i urednost dostave, pročitane su cijene ponuda i rokovi izvršenja usluge, kako slijedi:

r/b	Ponuđač	Ukupno bez PDV-a (KM)	Popust (%)	Ukupno sa popustom bez PDV-a (KM)	Rok izvršenja usluge (kalendarski dani)
1.	E-STROM projektni biro d.o.o. Sarajevo	15.000,00	/	15.000,00	30 (trideset)
2.	DEMA&S d.o.o. Mostar, Poslovnica Sarajevo	5.000,00	/	5.000,00	30 (trideset)
3.	Grupa ponuđača: 1. nLogic d.o.o. Sarajevo 2. ELEKTRO TIM d.o.o. Banja Luka	10.778,00	/	10.778,00	44 (četrdeset četiri)
4.	Manedra Company d.o.o. Mostar	3.429,00	/	3.429,00	60 (šezdeset)

Nakon izvršenog javnog otvaranja ponuda, na zatvorenom sastanku Komisija II je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponuda, kao i usklađenosti sa zahtjevima iz tenderske dokumentacije, Zakonom o javnim nabavkama i odgovarajućim podzakonskim propisima.

Komisija II je jednoglasno konstatovala da dostavljene ponude ispunjavaju formalno-pravne, ekonomske i tehničke uslove, odnosno da ispunjavaju uslove iz tenderske dokumentacije i zahtjeve Ugovornog organa za predmetnu nabavku, kao i da su prihvatljive u smislu Zakona o javnim nabavkama.

Komisija II je utvrdila da su ponuđene cijene svih primljenih ponuda računski ispravne i da je ispravno obračunata ukupna cijena ponuda sa PDV-om.

Komisija II je poređenjem i rangiranjem ponuda utvrdila da postoje elementi neprimjereno niske cijene, odnosno da je cijena prvorangirane ponude ponuđača Manedra Company d.o.o. Mostar za više od 50% niža od prosječne cijene ostalih prihvatljivih ponuda. Time je ispunjen uslov za primjenu člana 17. stav (7) tačka a) Uputstva za pripremu modela tenderske dokumentacije i ponuda („Službeni glasnik BiH“, broj 90/14 i 20/15), odnosno postoji indicija neprimjereno niske cijene.

Shodno navedenom, Komisija II je dopisom broj: 10/E-11-6575/25 od 25.12.2025. godine zatražila od prvorangiranog ponuđača Manedra Company d.o.o. Mostar pisano objašnjenje razloga za ponuđenu nisku cijenu.

Ponuđač Manedra Company d.o.o. Mostar dostavio je traženo objašnjenje dopisom od 29.12.2025. godine.

Nakon razmatranja dostavljenog objašnjenja, Komisija II je jednoglasno ocijenila da je objašnjenje niske cijene osnovano i prihvatljivo.

Objašnjenje ponuđača „Manedra Company“ d.o.o. Mostar od 29.12.2025. godine, sastavni je dio Zapisnik o pregledu i ocjeni ponuda, broj: 10/E-11-6575/25 od 30.12.2025. godine.

U daljem toku postupka Komisija II je izvršila ocjenu i vrednovanje dostavljenih prihvatljivih ponuda prema kriteriju za dodjelu ugovora, shodno Zakonu o javnim nabavkama, a prema proceduri utvrđenoj u tenderskoj dokumentaciji za predmetnu nabavku, primjenom odgovarajuće formule za vrednovanje pojedinih elemenata ponude i izračun ukupnog broja bodova, u skladu sa Pravilima o postupku, provjeri, proceduri i načinu vrednovanja – bodovanja kriterija za izbor najpovoljnijeg ponuđača kao sastavnom dijelu tenderske dokumentacije (Aneks 10.).

Primjenom tenderskom dokumentacijom utvrđenih potkriterija 1. Cijena 95% i 2. Rok izvršenja usluge 5% i bodovanjem elemenata iz dostavljenih ponude, u okviru kriterija „ekonomski najpovoljnija ponuda“, shodno članu 64. stav (1) tačka a) Zakona o javnim nabavkama, Komisija II je izvršila ocjenu i bodovanje dostavljene ponude kako slijedi:

R/b	Ponudáč	KRITERIJ ZA BODOVANJE „ekonomski najpovoljnija ponuda“		
		POTKRITERIJ Cijena 95% (bez PDV-a)	POTKRITERIJ Rok izvršenja usluge 5% (kalendarski dani)	UKUPNO BODOVA
1.	E-STROM projektni biro d.o.o. Sarajevo	$3.429,00/15.000,00 \times 95 = 21,72$	$30/30 \times 5 = 5$	26,72
2.	DEMA&S d.o.o. Mostar, Poslovnica Sarajevo	$3.429,00/5.000,00 \times 95 = 65,15$	$30/30 \times 5 = 5$	70,15
3.	Grupa ponuđača: 1. nLogic d.o.o. Sarajevo 2. ELEKTRO TIM d.o.o. Banja Luka	$3.429,00/10.778,00 \times 95 = 30,22$	$30/44 \times 5 = 3,41$	33,63
4.	Manedra Company d.o.o. Mostar	$3.429,00/3.429,00 \times 95 = 95,00$	$30/60 \times 5 = 2,5$	97,50

Rangiranjem ponuda u skladu sa kriterijem za dodjelu ugovora „ekonomski najpovoljnija ponuda“, i potkriterijima za vrednovanje 1. Cijena i 2. Rok izvršenja usluge slijedi:

RANG	PONUĐAČ	BROJ BODOVA	UKUPNA CIJENA PONUDE BEZ PDV-a (KM)	ROK IZVRŠENJA USLUGE (kalendarski dani)
1.	Manedra Company d.o.o. Mostar	97,50	3.429,00	60
2.	DEMA&S d.o.o. Mostar, Poslovnica Sarajevo	70,15	5.000,00	30
3.	Grupa ponuđača: 1. nLogic d.o.o. Sarajevo 2. ELEKTRO TIM d.o.o. Banja Luka	33,63	10.778,00	44
4.	E-STROM projektni biro d.o.o. Sarajevo	26,72	15.000,00	30

Shodno svemu naprijed izloženom, Komisija II je putem javnog glasanja jednoglasno donijela odluku da se Opštinskom načelniku dostavi:

PREPORUKA O PRIHVATANJU PONUDE

Prvorangiranog ponuđača **Manedra Company d.o.o. Mostar**, ulica Bišće polje bb, 88000 Mostar, broj: JV-23-12/25 od 23.12.2025. godine, za izradu projektne/tehničke dokumentacije za rekonstrukciju i nadogradnju javne rasvjete na području Općine Centar, sa cijenom u ukupnom iznosu od 3.429,00 KM bez PDV-a, odnosno 4.011,93 KM sa PDV-om i rokom izvršenja usluge 60 (šezdeset) kalendarskih dana, sa kojim će biti zaključen ugovor.

Opštinski načelnik u postupku evaluacije nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke, shodno članu 101. stav (5) tačka c) Zakona o javnim nabavkama („Službeni glasnik BiH“, broj 39/14, 59/22 i 50/24).

Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda

broj: 10/E-11-6575/25 od 30.12.2025. godine



Dostaviti:

1. Ponuđaču: E-STROM projektni biro d.o.o. Sarajevo, ulica Džemala Bijedića broj 129, 71000 Sarajevo
2. Ponuđaču: DEMA&S d.o.o. Mostar, Poslovnica Sarajevo, ulica Safeta Zajke broj 238A, 71000 Sarajevo
3. Grupi ponuđača: nLogic d.o.o. Sarajevo, ulica Đoke Mazalića broj 2, 71000 Sarajevo i ELEKTRO TIM d.o.o. Banja Luka, ulica Kralja Petra II broj 26, 78000 Banja Luka
4. Ponuđaču: Manedra Company d.o.o. Mostar ulica Bišće polje bb, 88000 Mostar
5. Službi za prostorno uređenje i investicije
6. Kabinetu općinskog načelnika – Odsjeku za javne nabavke
7. Službi za finansije
8. U spis